

文史叢書

續元明清

新式標點

通鑑總論

附史記

張建題



印行知



M.G.  
6204.3  
2/2



3 1764 5376 3

李廷機先生手著  
羅德明先生續編

續元明清  
新式標點  
通鑑

鑑

總

論

附史歌



知行印書社印行



新式標點  
續元明清  
通鑑總論附史歌

前言

吾國歷史之悠久，迄今已有數千餘年。而史籍之浩繁，有二十四史，二十五史，又外史別史與兩通鑑九通以及五紀事本末等；不下數百餘種！欲求此浩如烟海者，得一鈎玄提要，博若穹蒼者，獲一精簡明確；以數千年來史勢之大要，歸納作一鳥瞰，且文約而事備者；當首推此編。

此編原為明末李廷機先生所著。遜清舉人蜀東羅德明先師復博采羣籍，蔚

言

爲舉續元明清三代，并附作各種史歌。不特文字美妙，史眼炯炯，且出史冊之別具一格，樹歷史統計之典型；堪稱曠世佳作。特以友好之屬，珍出付梓，都爲一冊，以公同好。更予有志於史者以獨開生面之趣味，省東翻西檢之麻煩。又其甚，彰前人之遺作，實所以增大好之文獻也。書以誌盛。

此編承張繼先生鑒閱，并親題書簽。謹致謝意！

民國三十四年國慶日宋健中於軍委會

新續元明清  
標點通鑑  
總論  
附史歌

目錄：

通鑑總論

附載：（虛字使用簡訣）

史歌

- 一 歷代國號歌
- 二 歷代世系歌
- 三 歷代國都歌
- 四 近代各省會城歌
- 五 唐堯十六相歌
- 六 虞舜七友歌
- 七 夏禹九河歌
- 八 商湯六事歌
- 九 周武十亂歌

錄

目

二四	二三	二二	二一	二十	十九	十八	十七	十六	十五	十四	十三	十二	十一	十	
附載：(標點使用簡說)	文廟配饗從祀一百五十四人歌	明黨禍百零八人歌	逸文死難臣歌	明開國二十一將及配廟七人歌	宋黨禁五十九人歌	宋南渡十二名將歌	宋昭勳崇德閣二十四配享歌	唐凌烟閣二十四功臣歌	唐十八學士歌	晉竹林七賢歌	漢黨錮三十五人歌	漢雲臺二十八將歌	漢麟閣十一人歌	漢十八功臣歌	漢高三傑歌

通鑑總論

陽節潘氏榮白：「治天下有道，而已矣；治天下有法，信賞必罰，斷而已矣；治天下有本，禮樂教化，順而已矣。」明則君子進而小人退，斷則有功勸而有罪懲，順則萬事理而人心悅，而天下和。三者之要在身，取人以身，身端心誠，不令而行矣。故唐虞三代之治，純用禮樂，教化大行；不言而信，不怒而威，無爲而治，如斯而已。及其衰也，夏以妹喜，商以妲己，周以褒姒，是佚歎之亡人，而百令不從矣。周室東遷之後，王政不行，諸侯多僭。故夫子自衛反魯，作春秋以正王

親賢遠奸，明

化。至於戰國，王室陵夷，分崩離析，故孟子去衛適齊，陳王道以正人心；是皆聖賢爲萬世民生而發也。自茲以還，跡熄澤竭，人私其身，士私其學，異端蜂起，聖學荒蕪，秦漢而下，安危不一，難以悉舉，姑取其關於綱紀者而論之：漢高之興，去古未遠，豁達大度，從諫如流，可與有爲之君也；然以輕士慢罵，賤辱大臣，張良託以避彘，何參、不勃，以詐以力，天下雖安，而古禮不復，古樂不作，從茲始矣，可勝惜哉！漢文沉潛而不能剛克，漢武高明而不能柔克；西向讓三公，南向讓再，夫何踐祚之初，示民以詐，短喪之制，又安用之。故民雖富庶，而修己立誠之道，幾乎息矣！窮兵黷武，

虐民事神，而海內虛耗，至輪臺之詔，天理譎然，其雄心之萌乎？不然，則亦亡秦之續耳。漢昭十四而議上官傑之詐，似有可爲，惜霍光不學無術，不能以道事君。光武有志於治，而輔相亦非其人。孔明有王佐之才，而當奸雄僭竊之際。董子雖有大志，而亦不得其位。鄧騭揚震之徒，不識保身之機。外戚之禍，內豎之變，中移於王莽，卒攘於董卓，曹操承之，以移漢祚，又何言哉！唐之太宗，號爲英主，百戰而有天下，偃文修武，勵精圖治，身致太平，刑措不用，亦稀世之君也。然以君德論之，則用宮人私侍以弑其父，納巢刺王妃而封子明，其惡已甚，若非魏徵辰星之喻，則明母又繼文德而后

矣。閨門如此，其子孫又安得有正家之法乎！是故武氏經事先帝，太真已配壽王，中宗親爲點鑿於章后，明皇賜洗兒錢於貴妃，卒爲天下後世非笑；豈皆不由太宗垂統之所致歟！房、杜、王、魏、無忌、褚遂良、狄仁傑、張九齡、姚崇、宋璟、李泌、裴度之賢，猶不能救其君於蕩敗禮義之際，而或以見疏。張柬之、韓彥範、崔玄璋、袁恕已、敬暉等，討武氏之亂，反正廢主，有大功於唐，而陵辱以死。韓愈、陸贄勤勤懇懇於章奏之間，而終以獲罪，他尙何說哉！蓋其亂也，始於武章，危於貴妃，壞於藩鎮，亡於宦官；而李勣、李義府、許敬宗、鄧愔、崔湜、武三思、李林甫、楊國忠、李輔國、

盧杞、元載之流，與后妃宦豎，內外交締，始終爲難，非一朝一夕之故。暴秦以呂易嬴，是嬴亡於莊襄之手；弱晉以牛易馬，是馬滅於懷愍之時。隋楊廣弑其父而自立，卽以敗亡，又何足與論治天下之道乎！蓋以趙高楊素之奸，而致扶蘇、楊勇之死；是天所以速秦隋之滅也。且秦政之暴，過於隋豎，楊廣之惡，浮於胡亥；覆宗絕嗣，不亦宜乎！宋、齊、梁、陳，至於五季，禍亂相尋，戰爭不息，名爲君臣，實則仇敵；世降至此，壞亂極矣。惟柴世宗，粗有三代遺風，而使之不壽，豈天將啓宋世之治也歟！且自晉武之後，惠懷無親，骨肉相殘，羣胡乘釁，濁亂中原，生民塗炭，未有甚於此時者也。

王謝、陶阮，富貴風流，節行標致，滄平有餘，江左之民，亦賴以安；然朝廷之得失，姦雄之篡弒，則亦邈乎！其不能正也。逮拓拔氏興，佐以崔浩、高允之徒，既治且安；至於孝文，風移俗易，庶幾爲禮義之邦矣。宇文高祖，完顏世宗，其亦賢乎？江左君臣，寧不知媿。夫三年之喪，自天子達於庶人，文景以後，能行之者惟晉武帝，魏孝文，周高祖，數君而已；此夫子所謂不如諸夏之亡也。然自晉自隋，南北之君，率多不得其死，盡以國亡祚滅，其故何哉？蓋得之以不仁，上行而下效，身爲天子，死無恤類；嗚乎哀哉！至於宋祖，未嘗爲學，晚好讀書，嘆曰：「勇葬之世，四凶之罪，止

於投匭，何近代法網之密耶！於是立法，鞭朴不行於殿陛，罵辱不及於公卿；故得臣下於有爲，而忠君愛國之心，油然而興矣。命曹彬下江南，則戒以切勿暴掠生民；故彬至城下，焚香約誓，一不妄殺，凱旋之日，行李蕭然。遣吳越歸國，而使之不留之意；處將相之間，則諭以相安之情；待諸降主以賓禮，易諸節義以儒臣。使舉德行孝弟之士，以隆禮義廉恥之風。嗚乎！人主如是，亦庶乎其知九經之義哉！且曰：「洞開重門，正如我心，少有邪曲，人皆見之，」蕩蕩平平之道，不外是矣。太宗卽位之初，首開崇文館，真讚王宰相繙閱書籍，奕選文章有德之士教導王子，且戒之曰：「必以忠信

爲先，仁宗又能作興文學以風四方，而人才於是乎出矣。至於仁宗，力行恭儉，正身率人，終始如一，升遐之日，雖深山窮谷，亦莫不奔走悲號，如喪考妣：非有得於人心，能如是乎！英宗氣質尤美，謙恭以任賢臣，而天下無事；暨於哲宗之初，實爲垂簾之政。宣仁有言曰：「苟有利於社稷，吾無愛於髮膚，任賢不貳，去讒不疑，」故自建隆至於元祐，號稱治平之世，而人才之盛，亦莫過於宋矣。初有趙普、范質、李沆、張齊賢、向敏中、寇準、蔡襄、宴殊、王旦、王曾、杜衍、趙抃諸呂之輩；復有韓范富、歐陽蘇、張文呂、司馬之徒俱爲大賢，文章德業，前世無比，相繼以興，爲之輔相。當此

之時，君君，臣臣，父父，子子，夫夫，婦婦，百姓謳歌，謂之太平天子，又稱宣仁女中堯舜，嗚呼！休哉！神宗刻意圖治，上慕唐虞，傾心安石，君臣之間，求濟斯道，未嘗不以堯舜相期；東周以來，未之有也。世方仰其有爲，庶幾復見都兪吁咈之治；惜安石之學，既執而蔽，引用兇邪，反治爲亂，使天下之人，翬然喪其樂生之心，卒之羣奸繼起，釀成靖康之禍，用人可不謹哉！當此之時，上有好治之君，下有慕治之臣，而濂、洛羣哲，曾無一人登相臣之位者，是宋不得與於斯文也；豈天未欲使斯民躋堯舜之域與？何道之不行也！嗚乎！眞儒輩出，悉皆王佐之才。哲宗以後，寧宗以前，指爲朋

黨、斥爲僞學，竄逐禁錮，殆無虛日。奸黨登與，爲國大蠱，始於呂惠卿，終於賈似道，互爲汲引，相繼升於廟堂；用舍如此，安得不亡乎！蓋宋之人君，仁厚有餘，而剛斷不足；宋之人臣，德業有加，而道則有求盡。明乎二帝三王之道，以接乎孟氏之傳者，又誰其逢退之義；故終宋之世，亦止如此而已，使學者不能無遺憾於斯世也！且真宗不知寇犖之貶，神宗不識惠卿之奸，又豈不爲明之累耶！至於哲宗，昏庸尤甚，信任奸慝，屏逐忠良，邵問大防何以至虔州，左右不對，亦可羞也。岳飛破虜，幾還兩宮，秦檜矯召，班師而殺之，高宗若不聞也。通天之罪，尙忍言之！張俊、趙鼎、真德秀、

肆了翁之賢，立朝未久，非惟不能以正羣邪之罪，而反有賤責竄逐之冤。秦檜、韓侂胄、史彌遠、賈似道，以元兇居首相，登進同類，布滿朝廷，祇爲身謀，卒以誤國；而人主方以爲忠，豈復覺其有三代之治乎！文天祥拜相，旋膺國事，既去之餘，而能以身任三百年綱常之重，從容就義於顛沛流離之際，爲國之光；是亦豈非祖宗尊賢敬士之報與！蓋其與也，以大臣之賢；其亡也，以大臣之奸；故雖有大臣之誤，而亦有大臣之報；爲人君者，可不辨其邪正，而端其本源哉！夫正身以正朝廷，正朝廷以正百官；百官正，則萬民莫敢不正，萬民正，則四夷賓服，而天下安矣。東夷西戎，南蠻北狄，自古有之

舜生於諸馮，東夷之人也；文王生於岐周，西夷之人也；匈奴、突厥、五胡、北魏、契丹、女真，世有位號；若徒吾無間而可入，則幽王不死於犬戎，明皇不敗於祿山，呼延晏、劉曜，安能以陷晉都，而懷慙不辱於強虜矣；幹離不離粘罕，不能以犯宋京，而徽欽不死於漠北矣。蓋天下有道，則四夷來王，萬邦咸休；天下無道，則于戈之禍，不特在於四夷，而且在蕭牆之內矣；故得其道則治，失其道則亂，堯舜之道，孝弟而已矣。修己以安百姓，唐虞之治也；六事自資，成湯之治也；勞心焦思，夏禹之治也；作無益，陳豳詩，文武成康之治也。除秦苛法，與民自新，偃武修文，勵精圖治，舉德

性，與孝弟，隆禮義，尚廉恥；此漢祖唐宗宋祖之所以興也。至於末世，崇尚虛無，信誘邪說，垂及敗亡，猶不知悟。齊元爲周師所圍，尚講老子；梁武爲侯景所迫，惟譚苦空。事佛之謹，舍施之多，無以逾於梁武；奉道之勤，設醮之厚，又何以加於道善。然則，餓死臺城，而佛不之救；受辱漠北，而道亦不聞。秦王漢武，窮智以求神仙，了無證驗；楚王英敬信沙門之法，卒以誅夷。契丹入寇，王欽若出守天雄軍，束手無策，閉門修齋誦經而已。用此術者，曾何補於治道哉！次仁傑巡撫江南，奏毀吳楚淫祠千七百所，所存惟夏禹、秦伯、季子、伍員四祠而已。胡頴經略廣東，毀佛像而殺妖蛇。

秘僧人以脫愚俗，所過淫祠，則必焚之：此萬代之  
 所瞻仰也。嗚呼！自漢以來，不能上述三王之道，  
 而佛老之教，反自明帝始；永平之間，遣使之天竺  
 ，得佛經四十二章，緘之蘭臺石室；以佛像繪之清  
 涼臺顯節陵，靈帝始立祠於宮中以奉之。又有飛仙  
 變化之術，丹藥符籙之技，禱祠醮祭之法，沉淪鬼  
 獄之論，皆以老氏爲宗，而名曰道；晉魏以來，其  
 法漸盛，僧尼道士，日以益衆；元魏孝文，號爲賢  
 主，亦幸其寺，修齋聽講。至於石勒之於佛圖澄，  
 苻堅之於沙門道安，姚興之於鳩摩羅什，拓跋太武  
 之於寇謙之，唐武宗之於趙歸真，宋道君之於林靈  
 素，往往事以師禮，未聞有福利之報，而皆得奇異

之禍；覆轍相尋，迷不句悟，流弊千有餘載，漢明  
烏得以逃其責哉！程子先儒有言：「佛老之害，甚  
於楊墨，况復有鬼怪人妖，邪說暴行，雜然並興  
，以惑世誣民者乎！孟子曰：「楊墨之道不息，孔  
子之道不著。」韓愈之說曰：「人其人，火其書，  
廬其居，明先王之道以道之。」嗚乎！其要在於明  
先生之道耳，此盛彼衰，自然之理也。辨人才，審  
治體，美教化，厚人倫：此明道之實也。武帝好儒  
術，董仲舒進修己治人之策；而帝之所與論者：公  
孫弘，東方朔，司馬相如之徒；卒事封禪，以蕩其  
志。神宗慕王道，程伯子上稽古正學定志之論；而  
上之所與謀者：王安石，呂惠卿，章惇，蔡卞之流

，創置新法，以擾其民；用舍之間，安危所係。袁紹不起，則五族忠賢之禁不除；劉裕不興，則藩鎮強臣之禍不息；朱溫不來，則宦官宮妾之亂不止。然癰疽既潰，而大命隨之！蓋人君之喜用奸邪者，冀得以從己之欲而已；而人臣之欺罔其君者，亦欲以固其寵祿而已。然君以逸欲滅國，臣以寵祿殺身；前車既覆，後車不戒，及至君亡國滅，其臣又安得以獨存哉！是故秦未亡，而李斯、趙高先夷三族。漢未滅，而宦官張讓等二千餘人，已就誅夷。王莽盜竊神器，而傳首詣宛；梁冀七侯，三后，六貴人，二大將軍，卿將尹校五十七人，無少長皆棄市；收其財貨合三十餘萬，以充王府之用。明皇幸蜀

，李林甫斷脰鞭屍，楊國忠斷頭注梁。唐祚未終，而先斬韓全誨等一百六十二人，復殺第五可範以下數百人；冤號之聲，徹於內外，崔胤之徒，亦隨授首。徽欽未亡，而蔡京，童貫，王黼，梁師成已先就戮。南宋未滅，賈似道先死於錐虎臣之手。秦檜削奪官爵，韓侂胄梟首淮濱。由此觀之，昔之壘蔽聰明，以圖利己者，皆所以自滅而已。可不戒哉！故爲君難，爲臣不易。治亂興亡之所由也，可不慎哉！嗚呼！觀人才之吉凶，知邦家之休戚。漢儒有言曰：「正其誼，不謀其利；明其道，不計其功。」蓋人品不同，而事業亦異，是不可以成敗論英雄也。諸葛亮輔漢於蜀，狄仁傑反周爲唐，其心一也。

。郭汾陽克復二京，而終守富貴；岳武穆志存雪恥，而身死權奸，其道同也。孟德睥睨神器，狐媚欺孤，恨文若九錫之勸，而封盒致死，篡逆之所爲也。子儀功蓋天下，位極人臣，杖郭暖肆言之失，而歸朝待罪，臣子之所以安也。平生奸僞，死見真性，揀之所以如鬼也。鞠躬盡瘁，死而後已，亮之所以如龍也。且晝所爲，清夜焚香以奏於帝，豈聞道之治其心乎！因妻邪謀，毀謗朱子，以媚侂冑，乃繼祖之喻於利也。馮道歷事五季，惟恐失之；嚴光加足帝腹，忘其貴也。明燭以達旦，乃雲長之大節；卻衣而凍死，實陳三之細事。少事僞朝，歷職郎署，陳情之謬也；求仁得仁，抑又何怨，告墓之正

也。蘇武持漢節於匈奴，是舍生而取義；眞卿陳禍  
 福於希烈，乃殺身以成仁。李陵衛律，罪通於天；  
 邦昌劉豫，心委於虜。霍光擁立二君，而子孫夷滅  
 ，是履盛滿而不止也；韓琦定策兩朝，而德望蓋世  
 ，識用舍行藏之道也。陶潛爲晉處世，心逸而日休  
 ；楊雄爲莽大夫，心勞而日拙。諸葛入寇，晉史自  
 帝魏也；丞相出師討賊，明大義也。廢帝爲王，唐  
 經亂周紀也；帝在房州，萬古開羣蒙也。故自初命  
 晉大夫爲諸侯以來，千三百六十二年之間；誅亂賊  
 於旣往，正名分於當時，定褒貶於往前，示勸懲於  
 來世：此綱目之所以繼獲麟而作也。麟經可繼，狐  
 史可不讀乎！概自世風遞降，陽消陰長；忽必烈乘

宋危顛，起蒙古而橫行中國；謀夏亂華，已爲皇帝  
神農虞夏殷周漢唐之罪人矣！猶復崇信佛回，暴棄  
宗教，卑侮於丐，貶謫爲賢；較之秦政隋煬，尤爲  
敗類。甚且，發會稽陵，截項宗首，慘虐至無人理  
。中原皇帝天上人，何此勝亦爲之耶！豈慕容、鮮  
卑、氐、羯、遼、金害猶未極，斯民還該偏遭磨劫  
歟！抑亦承宋文敵之餘，孽夫積卒，爲賢者驅除耳  
！所以歷年不多，而紛爭濁亂，災烈相尋；於是，  
劉福通呼於穎上，徐壽輝應於羅田，張士誠唱於浙  
東，明玉珍和於蜀西。不有明君代暴救民，天下寧  
成世界耶！善哉明主，崛起閭閻，掃清宇宙，遏蠻  
貊，還炎黃，解倒懸，豫顛動，其功德遠駕於宋祖

唐宗之上而媲美漢高。且能卑禮儒生，尊崇黜教。擯夷俗，振華風，立家規，定國制，更覺後來居上。第斐刈功臣，蔓滋孽庶。仍蹈炎劉故轍，爲可惜耳。一成祖智勇過人，酷似先帝，逆取順守，奮發有爲，亦不失爲良主。仁宗當幾日短，宣宗享祚不長；然而，克遵祖制，不改父臣，孝友慈祥，親賢遠佞；以故朝野太平，人民康樂；使天假之年，非殷太、周成、漢文、宋仁之流亞與。孝宗明睿溫良，能幹盡；有漢高之明，而沈澁過之；有唐憲之斷，而忠厚加之。徐溥、謝遷、劉大夏、李東陽、戴瑞、劉忠、王恕、邱濬、何喬新、楊一清、馬文升、韓文、王恭諸賢，同心輔政；弘治十八年間，君

明臣是，近代罕比；尙克家有令子，蒸緒何至旁落乎！世宗入承大統，不循公理，而徇私情，昏棄正言，夢迷邪教；不過漢哀唐宣之比，待享國差久耳。自是而天不眷明，睿智齋齡，昏庸綿算；非荒於色，卽黷於財；非嬖於閹，卽耽於佞。東宮久住，丹鉛說三字之經；南面忝居，髮漆腥萬幾之務。帝王家庭，無一讀書種子；高曾矩矱，不將漸滅無遺乎！懷宗當無可奈何之世，首戴大愆，心惻細民；前非亡國之君，亦不爲謬；但舉措失宜，內訌外讐，紛至盜來，遂至不可救藥也已。雖然，亡國之臣，守節死義，正氣彪炳千秋者如：方孝孺、徐輝廷、卓敬、景清、于謙、海瑞、楊漣、左光斗、熊廷

弼、盧象昇、孫承宗、危景文、李邦華、倪元璐、  
 黃道周、劉宗周、周遇吉、史可法等，遭天翻地覆  
 之時，處國破君亡之會，利害不足動其心，死生不  
 能移其節；直與宋之文天祥、張世傑諸君子，後先同  
 揆。非二祖二宗，扶持名教之證果也哉！舌語云：  
 「重斯文，得斯文，重忠義。得忠義，」彼感此應，  
 桴鼓影響；其報寧或爽哉！清世祖襲兩世之餘威，  
 冲年銳氣，取明而代有天下；薙髮苛令，擾亂中  
 華，依然胡元之陋習；特崇聖視學，策士課官，用  
 夏變夷，庶幾差強人意耳。聖祖剛明英發，勤於讀  
 書，而命詞臣輪侍；儉以化俗，而譟勝國烟消；守  
 成而兼定國，節用而復愛人；武功文事，各擅勝場

；輿地、歷象、數理、字典、諸書皆足稽模後世。胡人而有如此英主，踐祚六十一年，亦三代以下諸華之所絕無而僅有者也。高宗天才卓越，尤喜師儒；才略文辭，英奇蓋世。開四庫，刻羣書，頒經史於各書院；非徒殿試關勳，人文蔚起；卽後代名材輩出，早已肇基於百年之免矣。祈天永命，祖武克繩，詎偶然歟！世宗專尊父命，名曰擇賢，立嫡之規已紊；夫賢固宜擇，但恐擇之亦未必賢也。晉武周高以不擇而亡；隋煬元順，以旣擇而亦亡。茲之戕骨肉，開捐納，啓一代之弊竇，賢云乎哉！仁宗宣宗承麻蒙塵，碌碌無奇；乃海外諸夷，如英吉利、法蘭西、俄羅斯、德意志、美利堅、義大利、日

本、西班牙、葡萄牙、荷蘭之屬，乘虛闖入，陸驅  
 鐵軌，水駛鋼輪。飄過五胡，擣伐無晉臣之略；號  
 逾六詔，折衝鮮唐帥之才。租界通商，烈於明邊之  
 互市；建堂傳教，陪逾漢代之佛經。雖蚩尤、有苗  
 、觀扈、鬼方、獬豸、單干！亞茲羣醜；節兀荒，  
 回紇，耶律，也先，伯顏，交趾！遂此悍曾也。噫  
 雷彈雨，軍械債權，釀出開闢未聞之奇禍。文宗值  
 崇圯之際，官方窳敗，國步蕩蕩；教徒乘隙蹙起，  
 東南半壁，到處籠曉；英法聯軍，同時蹂躪；殆哉  
 岌乎！而世以歿。穆宗童年丁艱，生於憂患；願委  
 在得人。曾國藩聯朋友而起鄉兵，羅澤南率師從而  
 從戎事，賂秉章、左宗棠、彭玉麟、楊岳斌等，始

終協力；故能肅靖寇賊，收平髮捻，受報收功，偏在一班文士；非祖若宗，宏開學校，廣植人材，何以得此！德宗久任李鴻章，逼於外洋，不知自振；乃聽昏似警說，廢書院而興學堂；聲明文物，法度禮儀以及語言文字，一切更變，競詡改良；反斥守舊爲頑固，歐魚爲濶，歐爵爲叢，而儒風掃地無餘矣。噫！冬夏改，而一年數終；山川改，而萬物命終；制度風俗俱改，而宗廟社稷，寧不摧殘！轉有讒而弗見，後有賊而弗知；守經專而不知其宜，遭變事而不知其權；走肉行尸，直堂燕釜魚不若也。然則，滿清之亡，不亡於宣統，不亡於孫文，不亡於袁世凱，而亡於嗣主之不明不斷不類而已。苟能

明以察是非，斷以決事理，順以慮天人，安有革命之起哉！革命雖起，寧無一人殉節哉！人心之不懷忠義，非由放棄彝倫，顛倒教化，趨異俗，背常經而壞儒術所致哉！吾嘗歷觀世變，尚論儒修：漢儒崇經術，故達者若才能，窮者操訓詁；及其衰也，務激昂而高節義。唐儒徇詩賦，故華者逐風雅，樸者事吟哦；及其衰也，趨權勢而尚廉隅。宋儒尊理學，故上者志道德，下者勤著述；及其衰也，博虛名而鮮實用。明儒驚文辭，故顯者競功名，隱者尋章句；及其衰也，牽文義而病拘墟。清承明敝，莫救其禍，而變而加厲，所學非所行，所行非所學；且從事於空文虛花，而毫無實際。馴致海禁大開，

外洋紛擾，無方對付；始患中國之無人焉。嗟乎！三代盛時，教化興隆；當時文武兼資，才全德備，明遠遠用者多矣。降及春秋，教化寢衰；然而處樹經綸，出諸階路者，亦不乏人。天生素王，集堯舜禹湯文武之大成；分德行，嘗踐，政事，文學之科目，而道統以明。不幸至於戰國，士習民風，漸趨於縱橫捭闔之路。呂政患之，始焚詩書而墮教化，鋤智勇以愚生靈。吁！將以愚人，實自愚而已矣。嘗之一身：聖賢者，真精也；教化者，浩氣也；學術者，元帥也。去其心志，廢其聽視，屏其才力，性情靡鈍，軀壳其能久存乎！秦晉隋元，六朝五代，爭攘利權，競摧名教；壞人心，敗風俗，自撥本

根，其速亡也固宜。獨借唐宗懲歷代之公非，逞一己之私智；籠絡天下億兆人之心思才力，悉入彀於弊律之中；阬陷英雄，消磨志氣，豈真作人才，開民智者哉！名開取士之科，實建愚民之策。俾永銅性靈，不通時務，一無所知，一無所能；盡如鴛鴦下廟，便於駕馭焉耳矣。宋明迄清，仍而不革；策論文章，亦換湯頭而不換藥也。二千年來，中華民人之智識短淺；日趨貧弱而淪胥於外夷者，職是故耳。假使民智早開；興工藝，精製造，來百工而財用足；不須暴斂橫征而國富矣。假使人才早作；崇學校，興賢能，輯羣策而政事修；無事取威定霸，而兵強矣。貧弱至此，非教化不興之故與！周公之

作周禮也：講禮樂，飭兵農，修政刑；而冬官則曰時地利，富邦國。方今河空脫簡，致富無書；漢世雖補考工，人罕注意。願天子失官，學在四夷，聲光電化等學，非天誘其衷，以補我冬官之闕者哉！聖人復起，鑒萬葉，決羣疑，從衆志，而謂天下之不承平者，未之有也。

附載：虛字使用簡訣

文從夫且起設瀾，  
雖縱作開然願轉，  
而字輕轉則順接，  
歟耶乎哉驚疑局，

蓋故推承法始安。  
使第假定荷同翻。  
若夫然則作更端。  
怪嘆吁嗟與奈何。

# 史歌

歷代國號歌

鑿破混沌分二氣，子會開天丑會地。寅會攝提始生人，粵稽盤古當其際。天皇地皇人皇氏，有巢燧人無文字。太昊炎帝及軒轅，中古三皇三墳言。少昊顓頊與帝嚳，堯舜相承五典續。刪書何斷自唐虞，中天揖讓古今無。夏商周秦西東漢，後漢魏吳三國叛。漢亡于魏魏失晉，晉武平吳天之定。擾西晉者爲五胡，天下瓜分南北隅。南爲東晉居江左，宋齊梁陳踵其都。北接五胡而後魏，東魏西魏分爲二。

東傳北齊西傳周，周又滅齊遭隋噬。隋文平陳海宇同，三十七年禪唐公。唐祚終分爲五季，梁唐晉漢周相繼。宋代周兮天下平，中南渡兮迫于金。誅金滅宋統歸元，入主中華九十年。明主承天十六世，二百七十七年替。滿清紹統閱十傳，二百六十有八年，堯帝甲辰正天位，明末崇禎甲申退。試問歷數幾何年，共計四千餘一歲。

歷代世系歌

黃帝歷元推甲子，土金水木次第紀。唐堯甲辰嗣天位，火德百年終癸未。虞舜丙戌極方登，土德五十年乙亥崩。夏禹金德丙子昌，子啓太康並仲康。相被

羿撻遺泥弑，四十念中幾不記。少康誅泥倡中興，  
杼槐芒泄不降扃。廙傳孔甲舉發癸，四百卅年十七  
世。商湯水德乙未享，太甲沃丁及太庚。小甲雍己  
太庚洽，仲丁外壬河壘甲。祖乙祖辛沃甲隨，祖丁  
南庚陽甲衰。盤庚小辛小乙遷，武丁祖庚祖甲賢。  
廙幸庚丁及武乙，太丁帝乙受辛畢。共傳二十有八  
君，六百四十四年訖。周武已卯木德肇，成康昭穆  
共懿孝。夷厲宣幽西京潰，東遷平桓莊釐惠。襄頤  
匡定簡靈景，悼敬元貞哀思燼。考降威烈安與烈，  
顯傳慎親緜道滅。三十七王東周延，享年八百七十  
三。無統紛爭念八秋，秦政十四三傳休。漢高乙未  
火德興，惠文景武昭宣承。元成哀平孺子嬰，王莽

中竊十八春。光武復興東漢業，明章獻殤安順接。  
 賈冲桓靈獻念四，蜀漢昭烈及後帝。共成二十有六  
 君，四百六十九年計。晉武金德乙酉建，惠傳懷愍  
 據于漢。東晉元明成康穆，哀及帝奔簡文續。孝武  
 安恭十五傳，一百五十有六年。劉宋高祖庚申奮，  
 少文武廢明符順。八主歷年纔六十，蕭齊太祖己未  
 立。武傳鬱海明鬱和，七主二十三年過。蕭梁武帝  
 起壬午，簡文元敬共四主。五十六年亡陳手，陳陳  
 高祖起丁丑。文迄廢宣後主聃，五主合年三十三。  
 隋文已酉朔南暨，煬恭三主卅八禩。唐高土德戊寅  
 崇，太高中睿武氏雄。玄肅代德順憲穆，敬文武宣  
 懿僖僩。昭哀相承二十傳，二百八十有九年。朱梁

太|高|迨|末|帝，一十七年綱二世。李唐莊宗明閱廢，  
 四主共閱十三歲。石晉高祖至出帝，十一年間君僅  
 二。劉漢高祖及穆帝，二主四年亡更易。郭周太祖  
 世與恭，三主九年五代終。宋太庚申稱火德，太真  
 仁英述神哲。徽欽相繼勝于金，南渡高孝並光寧。  
 理度恭端末帝出，三百念年十八君。元胡入擅中華  
 命，世成武仁英泰定。明文寧順剛十主，八十八年  
 歸蒙古。明太戊申金德王，惠成仁宣英景相。憲孝  
 武世程神光，熹懷共立十六王。二百七十七年替，  
 桂穆旁延越十祀。清章水德甲申濟，仁憲純睿成顯  
 毅。景末九傳凡十君，二百六十八年頃。五德遞嬗  
 相終始，倘爲歌略八易紀。

歷代國都歌

帝王崛起膺神器，宰割山河正疆域。莫不居重而馭輕，建立都會爲民極。太昊伏羲都中州，古名曰陳今名作。神農部陳徙曲阜，山東兗州是其舊。軒轅皇帝部涿鹿，今徐北直涿州屬。少昊顓頊都何所，大名開州帝邱古。今之河南屬偃師，古帝高辛作帝畿。高辛舊時都亳，中州王氣實基之。陶唐虞夏禪都位，定鼎西山相繼治。堯都平陽舜蒲坂，夏禹建都安邑是。作都子亳曰商湯，厥後遷徙都不常。三徙之後復亳上，仲丁遷盤亶甲相。傳至祖乙又徙耿，盤庚復亳定殷境。囂今河南滎澤縣，相今直隸

大名。畿。歌。今。山西。吉州。是。邢。都。卽。此。平。陽。隸。作。都。  
于。鎬。曰。周。武。鎬。今。陝。西。西。安。府。成。王。以。鎬。爲。宗。周。  
遷。從。東。都。會。稽。侯。東。都。河。南。卽。洛。陽。平。王。東。遷。周。遂。  
亡。陝。西。咸。陽。本。周。甸。暴。秦。都。之。天。下。亂。今。之。西。安。  
漢。關。中。別。號。長。安。爲。西。漢。東。漢。復。興。由。光。武。建。極。  
洛。陽。漢。疆。土。蜀。漢。都。益。今。成。都。曹。魏。許。鄴。彭。德。區。  
孫。吳。東。晉。宋。齊。梁。與。陳。六。朝。都。建。康。或。曰。金。陵。曰。建。  
業。今。江。寧。府。古。舊。邦。西。晉。後。魏。安。所。從。相。彼。洛。陽。  
都。其。中。東。魏。北。齊。徙。都。鄴。西。魏。北。周。長。安。宅。混。一。  
南。北。隋。文。帝。都。仍。長。安。楊。廣。侈。或。遊。漢。都。或。如。洛。  
身。弑。宇。文。祚。被。奪。唐。得。隋。都。昭。覆。轍。五。代。汴。梁。相。承。  
接。汴。今。河。南。開。封。府。趙。宋。襲。都。被。金。擄。高。宗。南。渡。

都臨安，浙江杭州卽故觀。末造徙閩復徙粵，崖山窮島天命絕。元據大都今北直，京師順天是遺蹟。明初洪武都金陵，再傳成祖徙北平。應天南京順天北，並建南北爲兩京。滿清發軔在盛京，建都肇城因故明。邦畿千里民所止，民國萬歲樂昇平。

近代各省會城歌

北京首治順天府，直隸保定從頭數。山西太原古冀州，山東濟南青齊土。陝西西安秦關近，甘肅蘭州隴西郡。江蘇蘇州又江寧，安徽安慶是皖城。江西南昌古豫章，福建福州浙江杭。兩湖武昌長沙是，河南開封稱汴梁。廣東廣州西桂林，貴州貴陽亦曰

黔。冀南是日昆明府，四川成都向西尋。盛京奉天  
吉吉林，察黑萬全龍江城。極西新疆有迪化，熱河  
承德寧寧夏。青海西寧西康定，統駐將軍屯重兵。

唐堯十六相歌

八元稱舊與仲堪，叔獻季仲伯虎諳。仲雍叔豹季鯉  
附，八愷蒼舒隕歌著。禱戲大隳龐降繼，庭堅仲容  
叔達是。二八同升天下治，人才之盛惟斯際。

虞舜七友歌

鄧墟七友誰陶誇，其次方回與續牙。不訾不虛東秦  
氏，伯陽靈甫佐重華。

夏禹九河歌

徒駭太史兼馬頰，覆釜扶蘇簡與潔。八日  
津，九道分疏消水厄。

商湯六事歌

政不節兮民失業，昌盛讒夫或女謁。宮室崇侈苞直  
行，桑林六事將身責。

周武十亂歌

周昱召爽呂尚兵，畢高榮公散宣生。秦顛闕天南宮  
括，更有邑姜婦人。



漢高三傑歌

蕭何轉饋功最優，帷幄張良善運籌。無雙國士推韓信，三傑勳名足千秋。

漢十八功臣歌

鄼侯蕭何功第一，平陽曹參乃其次。宣平張敖絳周勃，舞陽樊噲營五位。曲陽酈商魯奚涓，夏侯嬰封汝陰地。第九穎陰侯灌嬰，傳寬應受陽陵秩。斬歙旌封武信侯，安國侯兮王陵是。棘津陳武列十三，清河劉士侯王吸。廣平崇秩錫薛馭，汾陰周昌原口吃。陽郡丁復當十七，曲成侯兮盡達畢。山河帶礪

誓元勳，良平不與人難識。

漢麒麟閣十一人歌

霍氏書官獨不名，張安世後次韓增。靖邊充國軍功懋，濟治魏丙相業興。延年劉德器能著，邱賀望之文學稱。蘇武岬榮高節義，何爲閹閣後丹青。

漢雲臺二十八將歌

蕭何風雲鄧禹參，吳漢賈復及耿拿。寇恂岑彭馮氏異，朱佑祭遵與景丹。蓋延姚期耿純許，馬武馬成段干梁。陳俊杜茂兼傅俊，堅譚王霸任光並。李忠萬修建邨彤，劉植臧宮迄劉隆。二十八將應列宿，

存其智勇扶臯轂。又以王常、李通、竇融、卓茂附其終。原圖上下分兩列，是故一優間一劣。爲察椒房，爲馬援，何因茅土遺來徽。

漢黨錮三十五人歌

竇武、陳蕃、劉淑者，一世所宗爲三君。李膺、荀昱與杜密，王暢、劉祐同名稱。魏朗、趙典及朱寓，謂之八俊。是人英，郭泰、范滂、孫尹、董，巴肅、宗慈、夏馥、因。蔡衍、羊涉爲八顧，能以德行引乎人。張儉、霍超、岑旺同，范康、劉表、陳翔從。孔昱、檀敷爲八及，能導乎人追其蹤。以財救人八廡好，度尚、王季、共、張邈。劉儒之儕，胡毋班，秦周、蕃、穆、王、章、老。黨、獄、繁、與、無、日、虛，漢、蒸。

都爲十常擾。

晉竹林七賢歌

七士稱康蓋有名，山濤向秀並劉伶。阮家叔侄誇威  
籍，亦有王戎得見稱。

唐十八學士歌

王府屬僚杜如晦，記室玄齡世南祕。文學褚亮姚思  
廉，李玄道爲主簿焉。參軍蔡允恭兼誰，薛元敬與  
顏相時。諮議典籤蘇揚升，從事中郎于志寧。軍諮  
祭酒蘇世長，記室薛收名亦響。李守素自倉曹陞，  
國子助教陸德明。同其職者孔穎達，蓋文達自信都

拔。宋州戶曹許敬宗，一十八人名望同。並以本官  
兼學士。號登瀛洲誇勝事。

唐凌烟閣二十四功臣歌

長孫無忌稱趙公，趙郡元王李孝恭。杜君如晦爵萊  
成，鄴國文莊獎魏徵。梁公玄齡申士廉，尉遲敬德  
鄂公傳。衛公李靖宋蕭瑀，褒忠莊公段志玄。劉氏  
弘基封夔公，樊忠公錫屈突通。殷氏開山稱鄴節，  
譙襄柴紹乘龍客。長孫順德邵襄脫，陳侯君集鄒張  
亮。張公謹授鄒襄平，程知節享盧公名。永興文懿  
廣世南，劉政會兮滄襄堪。莒宣欽賜唐儉敕，英公  
晉封李世勣。秦瓊賈加胡壯秩，濫官張亮侯君集。

宋昭勳崇德間二十四配享歌

趙善曹彬薛居正，熙載潘美李沆並。王旦繼隆王會相，夷簡曹瑋曾公亮。富弼韓琦司馬光，忠彥十六烈堪揚。靖康以後頤浩崇，趙鼎張浚韓世忠。康伯史浩與葛邲，汝愚八人皆著績。外有呂端同寇準，杜衍仲淹彥符等。李綱宗澤及岳飛，諸賢不與史好倂。

宋南度十二名將歌

建炎嗣統迭蒙塵，天降雄才討女真。法梁宗澤于城將，江浦世忠砥柱臣。張浚兩朝參帳幄，岳飛百戰

展經綸。劉錡巨斧軍鋒利，吳玠嚴關壁壘新。韜略  
允文超一代，聲威彥直辟千人。顯忠撻伐能擒賊，  
宗政拆衝善撫民。破蔡殲仇誇孟珙，鎮川殄寇詔吳  
璘。對念名帥難枚舉，表表高標十二神。

宋黨禁五十九人歌

首趙汝愚次留正，三向必大四王簡。朱熹徐誼彭龜  
年，傅良宏中樞錦連。汝譏汝談范仲黼，祖儉祖泰  
劉先祖。黃度黃由陳大中，尹獵汪遠游仲鴻。李直  
孟浩張致遠，高里炎震及陳峴。有聞三聘孫元卿，  
章穎陳武皇甫斌。鄧湜原變吳柔勝，田澹周南危仲  
任。幼學後之張體仁，趙鞏端朝林仲麟。蔣傅張衡

孫逢吉，楊簡、李祥同業適。黃黼、黃顯、薛叔似，徐範何異、項安世。更兼遠竄蔡元定，五十九人遭僞禁。

明開國二十一路及記廟七人歌

徐遼、文忠、常遇春，鄧愈、湯龢及沐英。馮用、大海、趙德勝，華高、再成、丁德興。俞通海、僧張德勝，吳良、吳楨、曹良臣。茂才、吳復、茅成等，孫興祖共廿一人。更將配享七人列，永安、再成、桑世傑。大海、通海、兩德勝，獨遺馮勝、傅友德。

建文死難臣歌

孝孺、孝友、三族盡，中憲、中愈、一門殉。姚善、思賢、復希

聖，連檀、卓敬、還巨敬。黃魁、黃鉞、黃子澄，王良、王良、王叔英。景清、鐵鉉、同胡閏，高翔、暴昭、綽子寧。齊泰、侯泰、龔泰、率，朱徵、謝昇、廖昇、連。彥、同陳植、與陳迪，是修、繼瑜、並周瑋。魏遠、黃觀、兼盧迴。甘霖、林英、及韓永。彥方、志方、茅大芳，鄒林、鄒瑾、同劉環。盛庸、平安、何福、類。輝祖、梅殷、葉仲惠。建文、殉難、難、亂、言，瓜蔓抄、屠誰、雪冤。

明黨禍百零八人歌

東林黨禍起逆閹，較諸漢宋更堪嫌。願老憲成主書院，激揚風化遭塗炭。李士三、才馮、從香，劉君一、環周嘉謨。趙相、南星、高攀龍，魏子大、中袁化、中。鄒氏

元標孫丕揚，周生朝瑞顯大章。何卿如寵鄧三後，錢翁一本成差命。黃公尊素葉向高，喬叟允升汪應蛟。季史邦華許譽卿，岳司元異陳道亨。左帥光斗楊大洪，熊帥廷弼孫承忠。江尹秉謙周宗建，姚儒希孟曹子汴。胡郎其賞蔡毅中，朱侯國弼沈正宗。張臺問遠經呂期，翁輔正春朱延禧。丁元春連葉憲祖，夏嘉選及林鈞甫。顧同寅合孫文彖，陽兆京偕史記事。周順昌同周起元，王之案與汪文言。陳良訓暨陳子廷，陳子壯兮李應昇。勞盛侯恪惠世揚，萬燦韓曠蔣應陽。韓縉王圖孫慎行，李林賀煥余想衛。此外卅餘難卒表，愈歌愈令人頽惱。慘辦儒生如士芥，明祚不亡又何待。

文應配饗從祀一百五十四人歌

斯文道統宗孔聖，聖集大成金玉振。歷史崇封難悉  
言，至聖先師名較正。春秋享祀上丁定。四配顏曾  
與思孟。東西兩哲各六供，子嚭仲弓兼子貢。子路  
子夏有子若，西宮伯牛宰我合。冉有子游並子張，  
朱子元晦附於末。東廡先賢三十八，魯瑗潁明南宮  
适。原憲商瞿漆雕開，司耕巫施顏幸排。曹卹秦商  
公孫龍，顏高穰赤石蜀從。夏首后處奚容蒧，顏相  
句疆秦祖顯。縣成句茲與燕級，樂效狄黑孔忠怪。  
公敞顏偁及申枹，施常秦冉左邱明。牧皮公都公孫  
丑，張載程頤附於后。西廡三九林放列，盧齊冶長

公析克。高柴樊須商澤連，梁鱣冉儒及伯虔。冉季  
 漆雕哆徒父，公赤任齊公良儒。肩定鄒善宰父黑，  
 榮旂左郟與鄒國。原亢癡讓叔仲會，公與邾巽陳亢  
 輩。琴牢步乘及秦非，顏噲顏何蔡亶依。樂正克同  
 萬章著，周頤程頤邵雍附。東廓先儒二四傑，羊高  
 毛萇孔安國。高堂鄒玄諸葛侯，王通馬光歐陽修。  
 胡國尹焞呂祖謙，蔡沈陳淳陸九淵。丁翁王伯及吳  
 澄，許衡許謙王守仁。薛瑄欽願陸隴其，西廓先儒  
 念三知。穀赤伏臆后蒼循，仲舒范甯杜子春。韓愈  
 仲淹及胡瑗，揚時李侗羅從彥。張栻黃幹真德秀，  
 何基趙復履祥右。陳澧歐章胡居仁，蔡潯湯斌諸名  
 人。再加肇裕治昌啓，崇聖祠中五主比。顏路曾皙

孔伯魚，孟公宜仍四配臚。周輔成暨蔡元定，程頤朱松張迪盡。別有鄉賢與名宦，罷黜諸人不入筭。羽翼經傳扶名教，方從從祀入聖廟。

### 附載：標點使用簡說

點號「·」在一句裏，須人讀斷的地方用之。

分號「；」在一句裏，文字之意義或結構不同的地方用之。

冒號「：」爲提引下文，總結上文時用之。

破折號「—」在標明文句破裂的地方用之。

夾注號「（）」爲特別註明名詞或事實時用之。

疑詞號「？」在有邀求答語或疑詞中用之。

引號「」在有特別的成語或套詞，必須顯露時用之。

驚歎號「！」在含有感性的詞、語、句如：喜、怒、哀、樂、感嘆、

諷刺、懷疑、驚懼、願望、俾訴時用之。

刪節號「…」在文句裏有省節的必要時用之。

私名號「」在一固有和私有之名稱中用之。

句號「。」在一段文中，其意思和結構已經完足時用之。

#980.4  
401.4

50328

著者: 李逵机

書名: 通鑑經緯

還書日期

借書人

東方圖書館重慶分館

分類號... #980.4  
401.4

登錄號... 50328





勘

誤

二頁七行穀爲穀

八頁十行宴爲晏一二頁三行犬戎犬戎

八頁十一行私名號分開增加頓號

二二頁一二行干爲子三行待享爲特享

二五頁五行干爲于去！

三二頁一行虞舜爲虞舜

三二頁一二行子啓爲子啓

三三頁二行不降扁爲不降扁又癸爲桀

三三頁三行享爲享

三三頁六行受幸爲受幸

三三頁九行威烈爲威烈

三四頁四行簡文爲簡文

三五頁六行未爲未

三五頁七行秦定爲秦定

三五頁一一行穀爲穀朱爲朱

四一頁二行土爲土

四二頁九行堅譚爲堅譚

四三頁十行度尙爲度尙

四六頁八行度爲渡

五十頁六行繆昌期爲繆昌期

五十頁三行岳商爲岳商

五一頁二行史爲代

中華民國三十四年十月渝一版

文史叢書

續元明清  
新式標點

通鑑總論

附史歌

(全)

實價國幣

元

外埠另加郵費

原著者

李廷機

續編者

羅德明

標點者

宋劍空

校勘者

梅希聖

印刷者

知行印書社

發行所

重慶歌樂山  
太書局

★	有	所	權	版	★
★	究	必	印	翻	★

6  
4040/4  
(6)  
✓

ABC  
04.3  
12